

Svar

mennta- og menningarmálaráðherra við fyrirspurn frá Páli Val Björnssyni um verkefnið Nám er vinnandi vegur.

1. *Hver er staða verkefnisins Nám er vinnandi vegur? Stendur til að halda því áfram? Ef svo er, í hvaða mynd?*

Í fjárlögum fyrir árið 2012 voru veittar 1.790 millj. kr. til menntunaráttaksins Nám er vinnandi vegur, NVV. Verkefnið var hluti af vinnumarkaðsaðgerðum sem ríkisstjórnin samþykkti 19. apríl 2011. Framlagið skiptist á þann veg að 800 millj. kr. voru ætlaðar í kennslukostnað við námstækifæri allt að 1.000 atvinnuleitenda, 440 millj. kr. til að tryggja nemendum undir 25 ára aldri skólavist í framhaldsskólum að uppfylltum tilteknum skilyrðum, 40 millj. kr. til að gera skila á milli framhaldsskóla og framhaldsfræðslu sveigjanlegri, 60 millj. kr. til að auka framboð á raunfærnimati og náms- og starfsráðgjöf innan framhaldsfræðslunnar, 300 millj. kr. í þróunarsjóð til eflingar starfstengdu námi og 150 millj. kr. í vinnustaðanámsjóð sem ætlað var að mæta kostnaði vegna starfsnáms á vinnustöðum. Fjárveitingarnar voru tímabundnar, ýmist til tveggja eða þriggja ára. Í fjárlagafrumvarpi fyrir árið 2015 er lagt til að þessar fjárveitingar falli niður og ekki gert ráð fyrir halda verkefninu áfram. Gerðir voru samningar við Háskólann á Bifröst og Reykjavíkurborg um átaksverkefni í Norðvesturkjördæmi og í Breiðholti. Verið er að ljúka þessum átaksverkefnum og ýmsum verkþáttum sem úthlutað hefur verið til. Áætlað er að öllum þáttum átaksins Nám er vinnandi vegur verði lokið um mitt ár 2015.

2. *Var þeim skólastofnunum sem gefinn var kostur á að senda inn hugmyndir varðandi verkefnið haustið 2013 svarað? Ef ekki, hvers vegna?*

Ráðuneyti auglýsti 8. maí 2013 eftir umsóknum um styrki til að efla starfsmenntun samkvæmt ákvörðun ríkisstjórnarinnar um átakið Nám er vinnandi vegur. Umsóknarfrestur var til 1. júní 2013. Lögð var áhersla á fjögur verkefni á þessu sviði. Eitt þeirra var „Samstarfsverkefni aðila úr atvinnulífi, háskóla/skólum, framhaldsskóla/skólum og e.t.v. framhaldsfræðslu þegar við á til þess að þróa, koma á laggirnar og tilraunakenna námsbraut á 4. þrepi, með opnum leiðum til áframhaldandi náms á háskólastigi.“

Fjórar umsóknir bárust um þetta verkefni. Eftir ítarlega umfjöllun taldi stýrihópur verkefnisins að ekki væri grundvöllur til að styrkja verkefnið og var því öllum umsóknunum hafnað. Í bréfi dagsettu 20. janúar 2014 var a.m.k. einum umsækjenda kynnt þessi niðurstaða. Hafi aðrir umsækjendur ekki fengið skriflega tilkynningu þar um eru það mistök.

3. *Hverjir fengu úthlutað því fjármagni sem ætlað er í þennan lið í fjárlögum fyrir árið 2014?*

Í fjárlögum ársins 2014 er fjárveitingum vegna átaksins skipt niður á fjögur viðföng, þ.e. 40 millj. kr. á 02-319 1.41 Framkvæmd nýrrar skólastefnu, 230,3 millj. kr. á 02-320 1.01 Nám á framhaldsstigi vegna aðstæðna á vinnumarkaði, 29,3 millj. kr. á 02-451 1.11 Framhaldsfræðsla, almenn og 150 millj. kr. á 02-519 1.10 Vinnustaðanámsjóður.

Eftirfarandi töflur sýna millifærslur og greiðslur af viðkomandi viðföngum.

Af 02-320 1.01 Nám á framhaldsstigi vegna aðstæðna á vinnumarkaði.

Millifærslur fjárheimilda af fjárlagaliðnum:

Fært á háskóla (HÍ, HA og HR) vegna NVV-uppgjörs	39.875.000
Fært á 319-190 vegna samnings um Myndlistaskólann í Reykjavík	45.000.000
Fært á 518-110 vegna samninga við Bifröst og Reykjavíkurborg	70.000.000

Greiðslur:

Fisktækniskóli Íslands, samkvæmt samningi. Uppgjör haust 2013	5.000.000
Fisktækniskóli Íslands, samkvæmt samningi. Vorönn 2014	15.000.000
Myndlistaskólinn í Reykjavík, samkvæmt samningi. MMK11110006, vorönn 2014	16.000.000

Af 02-451 1.11 Framhaldsfræðsla, almennt.

Millifært á framhaldsskólana vegna náms- og starfsráðgjafa á vorönn 2014	23.550.000
Millifært á Kvíabryggju vegna náms- og starfsráðgjafa á vorönn 2014	750.000

Af 02-519 1.10 Vinnustaðanámssjóður.

Í töflunni hér á eftir getur annars vegar að líta yfirlit yfir greiðslur til sveitarfélaga og stofnana sem annast starfsþjálfun nemenda í heilbrigðis- og umönnunargreinum. Hins vegar eru greiðslur til IDUNN-AR – fræðsluseturs og Fræðsluskrifstofu rafiðnaðarins sem annast útborgun styrkja til fyrirtækja í lög-giltum iðngreinum sem bjóða nemendum upp á vinnustaðanám. Ekki er um endanlegt yfirlit yfir úthlut-anir ársins að ræða, aðeins það sem ráðuneytið hafði greitt af þessum fjárlagalið 1. desember 2014.

Greiðslur:

IDAN – fræðslusetur, umsýsluþóknun janúar – júní 2014 .. 9.459.840

Styrkir:

AE starfsendurhæfing	36.000
Ás styrktarfélag	240.000
Borgarholtsskóli	60.000
Félag eldri borgara í Hafnarfirði	24.000
Félags- og tómstundamiðstöðin Gufunesi	120.000
Fljótaldshérað	192.000
Fríðuhús	120.000
Fræðsluskrifstofa rafiðnaðarins	3.294.960
Grund, elli- og hjúkrunarheimili	324.000
Handverkstæðið Ásgarður	36.000
Heilsugæsla höfuðborgarsvæðisins	72.000
Holtaskóli	72.000
Hrafnista, Kópavogi	132.000
Hrafnista, Hafnarfirði	252.000
Hrafnista, Reykjavík	180.000
IDAN – fræðslusetur ehf.	101.778.000
Landspítali	6.240.000
Ljósið	24.000
Mörk, hjúkrunarheimili	468.000
Reykjavíkurborg	351.000
Samhjálp	120.000
Skálatúnsheimilið	24.000